

ՊԱՅՄԱՆԱԳԻՐ N

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՐԱԾՔԻՑ ԲԵՌՆԵՐ ԱՐՏԱՀԱՆՈՂ ԿԱՄ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՐԱԾՔ ԲԵՌՆԵՐ ՆԵՐՄՈՒԾՈՂ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՌԵԶԻԴԵՆՏ ԿԱԶՄԱԿԵՐՊՈՒԹՅՈՒՆՆԵՐԻ
ԲԵՌՆԵՐԻ՝ ԼԱՍՏԱՆԱՎՈՎ ՓՈԽԱԴՐՈՒՄՆ ԱՊԱՀՈՎԵԼՈՒ ՄԱՍԻՆ**

ք. Երևան

« » ——— 20 թ.

Հայաստանի Հանրապետության էկոնոմիկայի նախարարությունը (այսուհետ՝ ԷՆ), ի դեմս՝ Հայաստանի Հանրապետության էկոնոմիկայի նախարար Վահան Քերոբյանի, ով գործում է ԷՆ-ի կանոնադրության հիման վրա, մի կողմից, և «ՄԻ ԸՆԴ ԷՄ ԻՆԹԵՐՆԵՅՇՆԼ» ՍՊԸ (այսուհետ՝ Ընկերություն), ի դեմս՝ տնօրեն Հենրիկ Մալեթյանի, որը գործում է Ընկերության կանոնադրության հիման վրա, մյուս կողմից, այսուհետ երկուսը միասին կանվանվեն Կողմեր, հիմք ընդունելով ՀՀ կառավարության 2022 թվականի մարտի 24-ի N 400-Լ որոշման (այսուհետ՝ Որոշում) 3-րդ կետի 1-ին ենթակետը՝ կնքեցին սույն պայմանագիրը (այսուհետ՝ Պայմանագիր) հետևյալի մասին.

1. Պայմանագրի առարկան

1.1. Սույն Պայմանագիրը կարգավորում է Կողմերի փոխհարաբերությունները՝ կապված Ընկերության միջոցով լաստանավային փոխադրումների հետ:

1.2. Ընկերությունը վարձակալում է լաստանավ (լաստանավեր)՝ Հայաստանի Հանրապետության տարածքից արտահանվող և Հայաստանի Հանրապետության տարածք ներմուծվող բեռների՝ Փոթի-Կովկաս նավահանգիստ-Փոթի ուղղությամբ փոխադրման կազմակերպման համար, մասնավորապես, Հայաստանի Հանրապետության տարածքից բեռներ արտահանող կամ Հայաստանի Հանրապետության տարածք բեռներ ներմուծող

Հայաստանի Հանրապետության ռեզիդենտ կազմակերպություններին (այսուհետ՝ Շահառու) բեռների փոխադրման աջակցություն տրամադրելու նպատակով:

1.3. Շահառուներին լաստանավով (լաստանավերով) բեռների փոխադրման ծառայության մատուցման համար Ընկերությունը Շահառուներին մատուցած ծառայության արժեքն ուղղակի Շահառուներից չի գանձում, այլ այդ արժեքը փոխհատուցվում է Ընկերությանը Հայաստանի Հանրապետության պետական բյուջեից:

1.4. Շահառուներին լաստանավով (լաստանավերով) բեռների փոխադրման ծառայության մատուցման արժեքը փոխհատուցվում է Ընկերության կողմից վարձակալած լաստանավի վարձավճարի արժեքի 100 (մեկ հարյուր) տոկոսի չափով, սակայն ոչ ավելի, քան Փոթի-Կովկաս նավահանգիստ-Փոթի ուղղությամբ մեկ չվերթի համար 60 (վաթսու) մլն ՀՀ դրամ: Ընդ որում, փոխհատուցումը տրամադրվում է յուրաքանչյուր չվերթի իրականացման դեպքում:

1.5. Շահառուների կողմից լաստանավի ոչ ամբողջական ծանրաբեռնման դեպքում ոչ ռեզիդենտ կազմակերպությունների բեռների՝ լաստանավով փոխադրելու պարագայում սույն պայմանագրի 1.4-րդ կետով նշված փոխհատուցման գումարը նվազեցվում է ոչ ռեզիդենտ կազմակերպությունների բեռների՝ լաստանավով փոխադրման ծավալին համարժեք մատուցված ծառայության արժեքի չափով, մասնավորապես, մեկ բեռնատար մեքենայի հաշվով մեկ չվերթի համար 1.2 մլն դրամ, իսկ մեկ ուղղության համար՝ 0.6 մլն դրամ և մեկ երկաթուղային վագոնի հաշվով մեկ չվերթի համար՝ 1.5 մլն դրամ, իսկ մեկ ուղղության համար՝ 0.75 մլն դրամ:

1.6. Ընկերությունը լաստանավով բեռների փոխադրման համար Շահառուներից ընդունում է հայտեր և ապահովում վերջիններիս բեռների փոխադրումը լաստանավով:

2. Կողմերի պարտավորությունները և իրավունքները

2.1. Ընկերությունը պարտավոր է՝

2.1.1. Վարձակալել լաստանավ, սահմանել լաստանավի հստակ չվացուցակ, մասնավորապես, շաբաթական առավելագույնը 2 (երկու) չվերթ Փոթի - Կովկաս նավահանգիստ և առավելագույնը 2 (երկու) չվերթ Կովկաս նավահանգիստ - Փոթի ուղղություններով:

2.1.2. Ապահովել Շահառուների բեռների՝ լաստանավով փոխադրման գործընթացը և մատուցել բեռների փոխադրման ծառայությունները պատշաճ ձևով:

2.1.2. Շահառուներից ընդունել Որոշման հավելվածով նշված հայտեր:

2.1.3. Ուսումնասիրել սույն պայմանագրի 2.1.2-րդ կետով ներկայացված հայտերի համապատասխանությունը Որոշման հավելվածով ներկայացված պահանջներին:

2.1.4. Յուրաքանչյուր ամսվա ավարտից հետո 5 աշխատանքային օրվա ընթացքում Հայաստանի Հանրապետության էկոնոմիկայի նախարարություն ներկայացնել տեղեկատվություն Շահառուներին մատուցված ծառայությունների մասով և հաշվետվություն՝ համաձայն սույն պայմանագրի N 1 ձևի:

2.2. Ընկերությունն իրավունք ունի՝

2.2.1. Հայաստանի Հանրապետության պետական բյուջեից ստանալ Շահառուների՝ լաստանավով բեռների փոխադրման ծառայության մատուցման՝ սույն պայմանագրով նախատեսված արժեքի չափով ծախսերի փոխհատուցում:

2.2.2. Հայաստանի Հանրապետության էկոնոմիկայի նախարարություն ներկայացնել Շահառուներին լաստանավով (լաստանավերով) բեռների փոխադրման ծառայության մատուցման արժեքի փոխհատուցման հայտ:

2.2.3. Մերժել Շահառուների կողմից ներկայացված հայտը՝ Որոշման հավելվածի 17-րդ կետին համապատասխան:

2.3. ԷՆ-ը պարտավոր է՝

2.3.1. Ուսումնասիրել Ընկերության կողմից ներկայացված հայտը և հաշվետվությունները:

2.3.2. Սույն Պայմանագրի 2.3.2-րդ կետում նշված տեղեկատվությունն ստանալուց հետո 2 (երկու) աշխատանքային օրվա ընթացքում Հայաստանի Հանրապետության ֆինանսների նախարարություն ներկայացնել եզրակացություն՝ համաձայն Որոշման հավելվածով նախատեսված N 3 ձևի:

2.3.3. ՀՀ էկոնոմիկայի նախարարության պաշտոնական կայքում (www.mineconomy.am) ամսական պարբերականությամբ հրապարակել սույն Պայմանագրով նշված չվերթների և դրանց փոխհատուցման մասին տեղեկատվություն՝ համաձայն սույն պայմանագրի N 2 ձևի:

2.4. ԷՆ-ը իրավունք ունի՝

2.4.1 Ընկերությունից պահանջել և ստանալ տեղեկատվություն ու հաշվետվություն՝ համաձայն սույն Պայմանագրի N 1 ձևի:

2.4.2. Անհրաժեշտության դեպքում, ուսումնասիրություն իրականացնելու նպատակով Ընկերությունից պահանջել լրացուցիչ տեղեկատվություն:

3. Կողմերի պատասխանատվությունը

3.1. Կողմերը սույն Պայմանագրով նախատեսված իրենց պարտավորությունների չկատարման և/կամ ոչ պատշաճ կատարման համար պատասխանատվություն են կրում՝ համաձայն Հայաստանի Հանրապետության գործող օրենսդրության:

4. Անհաղթահարելի ուժի ազդեցությունը

4.1. Կողմերից և ոչ մեկը պատասխանատվություն չի կրում սույն Պայմանագրով իր ցանկացած պարտավորությունների ամբողջությամբ կամ մասամբ չկատարելու համար, եթե դա եղել է անհաղթահարելի ուժի ազդեցության արդյունք, այն է՝ ջրհեղեղ, հրդեհ, երկրաշարժ և այլ բնական աղետներ, սույն Պայմանագրի կնքման պահից հետո ծագած ցանկացած պետական մարմինների ակտեր կամ գործողություններ, որը կողմերը չէին կարող կանխատեսել կամ կանխարգելել:

Եթե այդ հանգամանքներից որևէ մեկն անմիջական ազդեցություն է ունեցել սույն Պայմանագրով սահմանված ժամկետում պարտավորությունների կատարման վրա, ապա պարտավորությունների կատարման ժամկետը երկարաձգվում է այնքան ժամանակով, որքան որ գործել են այդ ուժերը:

4.2. Այն Կողմը, որը չի կատարում սույն Պայմանագրով իր պարտավորություններն անհաղթահարելի ուժի ազդեցության պատճառով, պարտավոր է անմիջապես ծանուցել մյուս Կողմին սույն Պայմանագրի 4.1-ին կետում նշված հանգամանքների, դրանց տևողության և ավարտի մասին, սակայն ոչ ուշ, քան դրանց սկսելու և ավարտի ամսաթվից 5 (հինգ) օրացուցային օր: Ծանուցման մեջ նշված փաստերը պետք է հաստատվեն Հայաստանի Հանրապետության առևտրաարդյունաբերական պալատի կողմից տրված և Հայաստանի Հանրապետության առևտրաարդյունաբերական պալատի նախագահի կողմից ստորագրված, կնիքով հաստատված պաշտոնական փաստաթղթերով:

4.3. Ծանուցման բացակայությունը կամ ուշացումով ծանուցումը զրկում է Կողմին սույն Պայմանագրի 4.1-ին կետում նշված հանգամանքներից յուրաքանչյուրին հղում կատարելու իրավունքից՝ որպես իր պարտավորությունների չկատարման համար պատասխանատվությունից ազատող հիմք:

5. Վեճերի լուծումը

5.1. Սույն Պայմանագրի կատարման ժամանակ առաջացող բոլոր վեճերը լուծվում են Կողմերի միջև բանակցությունների միջոցով, որոնք կարող են անցկացվել, այդ թվում՝ նաև փոստով գրությունների ուղարկման, ֆաքսիմիլային հաղորդագրությունների փոխանակման միջոցով:

5.2. Եթե բանակցությունների արդյունքում Կողմերը համաձայնության չեն գալիս, ապա բոլոր վեճերը կարող են լուծվել նախապահանջային կարգով: Նախապահանջի քննության ժամկետը կազմում է նախապահանջն ստանալու օրվանից 30 (երեսուն) օր:

5.3. Եթե Կողմերը չեն կարգավորում վեճերը բանակցությունների միջոցով և/կամ նախապահանջային կարգով, ապա դրանք լուծվում են դատական կարգով՝ ՀՀ գործող օրենսդրությանը համապատասխան:

6. Պայմանագրի մեջ փոփոխություններ, լրացումներ կատարելու և դրա լուծման կարգը

6.1. Սույն Պայմանագրում կարող են կատարվել փոփոխություններ և լրացումներ, որոնք Կողմերը ձևակերպում են սույն Պայմանագրին կից Լրացուցիչ համաձայնագրով:

6.2. Սույն Պայմանագիրը կարող է վաղաժամկետ լուծվել Կողմերից յուրաքանչյուրի կողմից՝ Պայմանագրի լուծման մտադրության մասին մյուս կողմին գրավոր ծանուցելով Պայմանագրի լուծման նախատեսվող ամսաթվից 15 (տասնհինգ) օրացուցային օր առաջ:

6.3. Սույն Պայմանագիրը համարվում է լուծված լուծման մասին ծանուցման մեջ նշված ամսաթվից՝ իրականացված բեռնափոխադրումների և մատուցված ծառայությունների հաշվարկներով Կողմերի բոլոր պարտավորությունների կատարման պայմանով:

6.4. Սույն Պայմանագիրը լուծելիս Կողմերը կազմում են փոխադարձ հաշվարկների ակտ և իրականացնում են համապատասխան վճարումներ մինչև Պայմանագրի լուծման ամսաթիվը:

7. Այլ պայմաններ

7.1. Կողմերի գործունեությունը կարգավորվում է Հայաստանի Հանրապետության գործող օրենսդրությամբ, երկաթուղային տրանսպորտում գործող նորմատիվ ակտերով, ՄԲՀՀ, միջազգային պայմանագրերով և այլ համաձայնագրերով, որոնց մասնակիցներն են սույն Պայմանագրի Կողմերը:

7.2. Կողմերը պարտավորվում են չհրապարակել այն տեղեկատվությունը, որն իրենց հայտնի է դարձել սույն Պայմանագրով նախատեսված պարտավորությունների կատարման ընթացքում, բացառությամբ ՀՀ գործող օրենսդրությամբ նախատեսված դեպքերի:

7.3. Գտնվելու վայրի, փոստային հասցեի, հեռախոսահամարների, ֆաքսի, բանկային և այլ վավերապայմանների փոփոխության դեպքում Կողմերը պարտավոր են փոփոխության ամսաթվից 3 (երեք) աշխատանքային օրվա ընթացքում գրավոր տեղեկացնել միմյանց:

7.4. Սույն Պայմանագիրը կազմված է հայոց լեզվով, ստորագրված և կնքված է հավասար իրավաբանական ուժ ունեցող երեք օրինակից՝ մեկական օրինակ Կողմերից յուրաքանչյուրին:

8. Պայմանագրի գործողության ժամկետը

8.1. Սույն Պայմանագիրն ուժի մեջ է մտնում Կողմերի ստորագրելու ամսաթվից և գործում է մինչև 2022 թվականի դեկտեմբերի 31-ը (երեսունմեկը) ներառյալ:

9. Կողմերի հասցեները և բանկային վավերապայմանները

Հայաստանի Հանրապետության Էկոնոմիկայի նախարարություն	Ընկերություն՝ «ՄԻ ԸՆԴ ԷՄ ԻՆԹԵՐՆԵՅՇՆԼ» ՍՊԸ
<p>Հասցե՝ ՀՀ, 0010, ք. Երևան, Միեր Մկրտչյան 5</p> <p>ՀՎՀՀ՝ 02698604</p> <p>ՀՀ ֆինանսների նախարարության գործառնական վարչություն</p> <p>h/h 900011018695</p> <p>նախարար՝ Վահան Քերոբյան</p> <hr/> <p>Ստորագր. Կ.Տ.</p>	<p>Հասցե՝ Քաջազնունու փ.2/2/22 կենտրոն 0018, Երևան, Հայաստան</p> <p>Հեռ. քաղ.՝ +9217594083, +37455162078</p> <p>Հեռ. բջջ.՝ +9217594083, +37455162078</p> <p>h/h ՀՀ դրամ՝ 1510056263880100</p> <p>Բանկ՝ Արարատբանկ ՓԲԸ</p> <p>ՀՎՀՀ՝ 00505151</p> <p>Էլ. հասցե՝</p> <p>տնօրեն՝ Հենրիկ Մալերյան Փաշոյի</p> <hr/> <p>Ստորագր. Կ.Տ.</p>

**Շահառու հանդիսացող կազմակերպությունների բեռների փոխադրման
հաշվետվություն**

Շահառուի անվանումը	Փոխադրման ուղղությունը (արտահանում ՀՀ-ից/ ներմուծում ՀՀ)	Բեռնափո- խադրման տեսակը (ավտոմո- բիլ/երկա- թուղային վագոն)	Բեռի չափը (տոննա)	Բեռի արժեքը (դրամ)	Արտահան- ման երկիրը	Լաստա- նավով փոխա- դրման արժեքը	Արտահանումը/ ներմուծումը հավաստող փաստաթղթերի համարները (կցվում են պատճենները)

**Շահառու չհանդիսացող կազմակերպությունների բեռների
փոխադրման հաշվետվություն**

Շահառու չհանդիսացող կազմակերպության անվանումը	Փոխադրման ուղղությունը (արտահանում ՀՀ- ից/ներմուծում ՀՀ)	Բեռնափոխադրման տեսակը (ավտոմոբիլ/երկաթուղային վագոն)	Բեռի չափը (տոննա)	Լաստանավով փոխադրման արժեքը

Տեղեկատվություն

ՀՀ կառավարության 2022 թվականի մարտի 24-ի N 400-Լ որոշմամբ հաստատված միջոցառման շրջանակներում իրականացված չվերթների և տրամադրված փոխհատուցման վերաբերյալ «__» _____ 20__ դրությամբ

Չվերթների քանակ	Փոխադրված բեռներ						Տրամադրված փոխհատուցման չափը, հազ. դրամ
	Ներմուծում, տոննա	Արտահանում, տոննա	Ներմուծում մեքենա, հատ	Արտահանում մեքենա, հատ	Ներմուծում վազոն, հատ	Արտահանում վազոն, հատ	
1.							
2.							
3.							
...							

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ՂԵԿԱՎԱՐ

Ա. ՀԱՐՈՒԹՅՈՒՆՅԱՆ